

## **Mokoīguea kuaxia Pedro ombopara va'ekue**

## **Mokoīguea kuaxia Pedro ombopara va'ekue**

Kova'e kuaxia py apóstolo Pedro ojapo Jesus Cristo remimbo'e kuery onheangu aguã. Mba'eta Jesus Cristo pegua igreja mbyte py ikuai nhombotavya rupi nhombo'e va'e. Mba'eta yma heta va'e kuery mbyte rupi profeta ramigua rive ikua-iague rami avi “peẽ kuery mbyte voi ikuai 'rã porombo'ea anhetẽ rupigua e'ŷ. Ha'e va'e kuery ma nhemi rupi 'rã omombe'u apu nhomombaarã. Senhor Ijoguaare Ipo'akapa va'e rovai eteve voi 'rã ijayvu. Ha'e ramia py o'áry ae ombou uka imomba vyvoiarã” (2.1b).

Ijayvu avi Jesus Cristo re jajeroviaa rupi nhaĩ atâve aguã, ha'e Jesus ou ju jave guarã nharõ jaikovy aguã. Mba'eta “Senhor ára ma imonda va'e rami 'rã ou xapy'a. Ha'e va'e jave py yapu ratã reve yva okanhymba 'rã, ha'e mba'emo jaexa va'e okai vy ivaipa 'rã. Ko yvy ha'e mba'emo ojapo pyre ha'e javi 'rã okaipa. Ha'e nunga ha'e javi ha'e rami ete okanhymba aguã rami opyta ramo peẽ kuery pendeky'a e'ŷa rupi pota ke pendekuai Nhanderuete pe ete” (3.10-11).

*Oxarura reve ijayvu vyomboypyague*

<sup>1</sup> Xee Simão Pedro ma Jesus Cristo rembiguai ha'e apóstolo-rã xemoī va'ekue. Axarura pẽvy,

mba'eta peẽ kuery voi peupity pejerovia aguã, Nhanderuete ha'e Nhandereraa jepea Jesus Cristo guigua teko porã rupi ome'ẽ va'ekue. Ha'e va'e ma ovare ete va'e.

<sup>2</sup> Tove opa mba'e py tapendu penemboaxyha'e mby'a porã, Nhanderuete ha'e nhande-Senhor Jesus Cristo peikuaa porãvea rupi.

### *Cristo guigua jaexa uka aguã re ijayvua*

<sup>3</sup> Mba'eta Nhanderuete ma guexakãa ha'e gueko porãa jaupity aguã nhanerenoĩ ma vy opo'akaa rupi ome'ẽ avi nhanemoingo porãarã ha'e ixupe nhanemoingoarã regua ha'e javi. Nhanerenoĩare jaikuuaa porãvea rupi jajopypa 'rã.

<sup>4</sup> Ha'e rami vy mba'emo ovare ha'e iporã ete va'e nhandevy ome'ẽ aguã re ijayvu, kova'e yvy re to'o oipota va'e nhanemongy'aarã oĩ va'e gui jaa jepe aguã, nhandere voi Nhanderuete py'a re oĩ va'e oĩ avi aguã.

<sup>5</sup> Ha'e nunga rupi ae penhea'ã pejeroviaa re pemoirũ aguã penderekoko porã aguã, ha'e penderekoko porãa re pemoirũ pene'arandua rupi pendekuai aguã,

<sup>6</sup> ha'e pene'arandua re pemoirũ pejejoko aguã, ha'e pejejokoa re pemoirũ peĩ atã aguã, ha'e peĩ atãa re pemoirũ Nhanderuete pe ete peiko aguã,

<sup>7</sup> ha'e ixupe peikoa re pemoirũ irmão kuery pexaxe aguã, ha'e irmão kuery pexaxeia re pemoirũ mborayvu re pendekuai aguã.

<sup>8</sup> Mba'eta pendere ha'e nunga oĩ, ha'e oĩve ovyrí ramo nhande-Senhor Jesus Cristo peikuaa

porāvea rupi pexa uka 'rā penekyre'ŷ ha'e iporā va'e anho.\*

**9** Ha'e rā amongue re ha'e nunga noī ri ramo ára revegua e'ŷ, ha'e'i py oī va'e anho'i oexa va'e rami teri oiko, mba'eta hexarai ma ojejavyague gui oiky'a'oague re.

**10** Ha'e nunga rupi irmão kuery, penhea'âve tema penerenoñaque ha'e pendeporavoague pexa ukaa rupi. Ha'e rami vy 'rā neī peteīve henda py voi ndapejeity ukai.

**11** Ha'e rami rā nhande-Senhor Nhandereraa je-pea Jesus Cristo po'akaa imarā e'ŷ va'e peupity rā penemovaẽ porā 'rā.

*Apóstolo Pedro nhanemoma'endu'aa rupi ijayvuague*

**12** Ha'e nunga rupi pendere anhetē va'e oī va'e peikuaa porā, ha'e nunga re peī atā guive teī ha'e nunga re romoma'endu'a aguã rami riae aiko.

**13** Mba'eta kova'e oo'i re aikove teria ja ha'e nunga re romoma'endu'aa rupi xeayvu vy romokyre'ŷvexe.†

**14** Mba'eta xee aikuua rā kova'e oo'i areko va'e are'ŷ'i re aeja 'rā, nhande-Senhor Jesus Cristo oikuua ukaague rami vy.

**15** Ha'e nunga rupi xee anhea'âve 'rā aa ma rire ha'e nunga ha'e javi re penema'endu'a aguã rami.

*Nhanderuete ayvu anhetē etea re ijayvua*

**16** Mba'eta ore ma avakue akāt̄a gui rive'ŷ pêvy romombe'u va'ekue nhande-Senhor Jesus Cristo po'akaa, ha'e ou jevy aguã regua guive. Ha'e

---

\* **1:8** Filipenses 2.12,13 † **1:13** “Oo'i” he'ia ma guete'i re ae ijayvu vy (2 Coríntios 5.1-4).

rami 'rāgue py ipo'akaa ma ore ae rexa py roexa va'ekue.

**17** Mba'eta Nguuete gui ae ou raka'e omboetepaa aguã ha'e hexakãa. Mba'eta ixupe Hexakãmba va'e oayvu ombou vy "Kova'e ma Xera'y ayvu va'e, arov'y'a va'e", he'i va'ekue.

**18** Ha'e va'e ayvu yva gui onhendu rã ore voi roendu karamboae yvyty iky'a e'ŷ va'e áry hexeve orekuuaia py.\*

**19** Ha'e rami rire jaikuua porâve profeta kuery ayvu anhetê va'e memea, ha'e nhandejee nhamoï atâve 'rã guive, mba'eta pytûa py tataendy rami nhanemoexakã 'rã ko'ẽmba peve, nhandepy'a re jaxy-tata ko'ẽ mbija ojekuua peve.

**20** Po ramigua jypy'i jaikuua: Ipara iky'a e'ŷ va'e re ayvu ikuai va'e ma avakue akã gui rive'ŷ ou,

**21** mba'eta peteïve ayvu ndojekuaai raka'e profeta kuery ae oipotaa gui. Ha'e rami 'rāgue py Nhan-deruete gui ae avakue [iky'a e'ŷ va'e] ijayvu raka'e, Nhe'ẽ Ky'a E'ŷ omo'arandu heravy rã.\*

## 2

### *Porombo'ea kuery anhetê rupigua e'ŷ opaga 'rāa re ijayvua*

**1** Heta va'e kuery mbyte rupi ikuai avi raka'e profeta ramigua rive. Peẽ kuery mbyte voi ikuai 'rã porombo'ea anhetê rupigua e'ŷ. Ha'e va'e kuery ma nhemi rupi 'rã omombe'u apu nhomombhaarã. Senhor Ijoguaare Ipo'akapa va'e rovai

---

\* **1:18** Marcos 9.1-8    \* **1:21** 2 Timóteo 3.16,17

eteve voi 'rã ijayvu. Ha'e ramia py o'áry ae ombou uka imomba vyvoiarã.\*

<sup>2</sup> Heta 'rã ikuai avi ha'e kuery opa marã rei ikuia rupi. Ha'e ramo ha'e kuery káuxa ijayvu vaia 'rã tape anhetẽ va'e re.

<sup>3</sup> Ha'e kuery ma peráta re nda'eveive vy pendekore 'rã ijapua py. Ha'e rami teī ha'e kuery mbopagaarã yma guive omoī mbyre ndarei 'rã. Imombaarã ma ndokei ae.

<sup>4</sup> Mba'eta anjo kuery eteve voi ojejavy ramo Nhanderuete nomboaxyi raka'e. Ha'e rami 'rãgue py yvy guy py nhuã oĩ va'e py omombo, yvykua pytû reia py omboty ombopaga aguã ára pyguarã.

<sup>5</sup> Ymagua kuery voi nomboaxyi vy Noé teko porã mombe'ua va'e anho ogueraa jepe raka'e, ha'e hexeve sete ju. Ha'e rã ko yvy regua heko vai va'e kuery áry ma yy ombou.

<sup>6</sup> Ha'e gui Sodoma ha'e Gomorra tetã ma tanhimbu rive omombyta. Ombovaipa ete raka'e, raka'eve rã heko vai va'e ikuai va'erã oikuua vy onheangu aguã.

<sup>7</sup> Ló anho ogueraa jepe. Ha'e va'e heko porã va'e ma nhonhe'ẽ rendu e'ŷ va'e kuery opa marã rei ikuia oexa vy nda'evei etea oendu raka'e.

<sup>8</sup> (Mba'eta ha'e kuery opa marã rei ikuia mbyte heko porã va'e oiko vy ko'ẽ nhavõ oexa ha'e oendu vy opy'a heko porã va'e py ojexavai.)

<sup>9</sup> Ha'e nunga rupi Senhor ogueraa jepe kuaa heko porã va'e ikuai axya gui, ha'e rã heko vai va'e kuery ma ikuai axy aguã py omboty 'rã oikuua pota aguã ára pyguarã.

\* <sup>2:1</sup> 1 Timóteo 4,1,2; Judas 3-23

**10** Ombopagave 'rã to'o oipotaa rami opa marã rei ikuai va'ekue, huvixa kuery onhe'ẽ rendua rupi e'ŷ guive. Ha'e kuery ma nhombojaru ha'e onhemboyvate rei va'e vy neĩ ipo'akakueve re ijayvu aguã voi ndokyjei.

**11** Ha'e rã anjo kuery ma imbaraeteve ha'e ipo'akave va'eri huvixa kuery re nda'ijayvu vai 'rã Senhor renonde.

**12** Ha'e rã nhombojaru rei va'e kuery ma mymba inharõ va'e ombo'a ha'e ojuka pyrã rami rive ikuai, mba'eta ijayvu vai 'rã oikuua e'ŷ va'e re voi. Ha'e ramo mymba opaa rami avi ha'e kuery voi omombaa 'rã.

**13** Ha'e kuery ojexavai 'rã nhombojexavaiague py ae. Ha'e kuery ma ara py teĩ opa marã rei 'rã ov'y a okuapy to'o oipotaa rupi. Mba'emo iky'apa ha'e ivaikue rei va'e rami ikuai. Ha'e kuery ae 'rã onhemongy'a ojekorea py, peẽ kuery reve okaru okuapya pyve.

**14** Joe oma'ẽ 'rã itavy reixea rupi anho, ndopytu'ui 'rã guive ojejavya gui. Ombotavy 'rã ikangy va'e, peráta re nda'eveive ha'e ayvu vaipy ra'y ikuai vy.

**15** Tape hi'yvi porã va'e gui ojepe'a vy Beor ra'y Balaão oikoague rupi oo vy okanhymba, mba'eta ha'e va'e ma teko vai rupi mba'emo ojoupa va'erã re anho nda'eveive raka'e.

**16** (Ha'e rami avi opaga raka'e ojejavyague re. Profeta oiko va'eri hymba ovoyi va'ety avakue ayvu py ijayvu ixupe, o'arandua rupi e'ŷ oiko ta ramo ojokoxe vy.)

**17** Ha'e kuery ma ygua ipirupa va'e rami ikuai, yvyxĩ yvytu ogueraapa rive va'e rami guive. Pytãa rupi guarã rive ikuai.

**18** Mba'eta onhemboiyvate reia rupi ijayvu, ha'e to'o oipotaa rami ikuai vy ombotavy 'rã gueko vaiaty gui oo jepexe va'e.

**19** “Escravo ve'ŷ ma peiko”, he'i teĩ ha'e kuery ae imongy'apaa pegua escravo ikuai. Mba'eta jajeity uka vy nhandereityare pegua escravo japyta.

**20** Mba'eta amongue ma Senhor Nhandereraa jepea Jesus Cristo oikuua, ha'e ko yvy regua nhomongy'apa reia gui oo jepe teĩ ha'e nunga pyve ju 'rã ojekore ha'e ojeity uka. Ha'e rami rire jypy guare gui nda'eveive 'rã opaa py.

**21** Ha'e kuery pe ha'eveve 'rãgue teko porã katygua tape ndoikuuaai ma voi va'e rire. Mba'eta oikuua teĩ ojapo uka pyre iky'a e'ŷ va'e gui ojepe'a vy ha'ekue py ju ojevy.

**22** Ha'e kuery re oiko ayvu “Jagua ojevy 'rã ha'e ae ombojevyague py, ha'e poryko ojoia porã teĩ ojevy ju 'rã yapo py onhemou'ũ aguã rive”, he'i va'e.\*

### 3

#### *Senhor ou jevy aguã ára re ijayvua*

**1** Xerembiayvu kuery, kova'e kuaxia ma mokoïguea ma pêvy ambopara. Mokoïve ma mba'emo re romoma'endu'a aguã rupi ambopara, pene'arandu ae teĩ.

**2** Ha'e rami rã penema'endu'a aguã profeta iky'a e'ŷ va'e kuery yma ijayvuague re, ha'e Senhor Nhandereraa jepea ojapo uka va'ekue re guive, peẽ kuerya rupi apóstolo kuery penembo'eague rami ae.

---

\* **2:22** Provérbios 26.11

<sup>3</sup> Jypy'i peikuaa pota pova'e nunga re: Opaa ára py ikuai 'rã porojojai rei va'e. Nhandejojai reia rupi 'rã ikuai, ha'e kuery ae oipotaa rami rive.

<sup>4</sup> Ha'e rami vy aipoe'i 'rã: "Mba'exa tu oiko Cristo ou jevy aguã re ijayvuague? Mba'eta nhaneramoĩ kuery omano guive ha'ekue rami ae tema opa mba'e ikuai, ko yvy onhonoa guive", he'i 'rã.

<sup>5</sup> Ha'e rami teĩ ha'e kuery hexarai potae pova'e nunga gui, mba'eta yma Nhanderuete oayvu gui rive omoingo raka'e yva ha'e yvy. Yvy ma ojapo raka'e yy gui ojekuaa aguã rami, yy mbyte rupi gui ae.

<sup>6</sup> Ha'e va'e rupi ae ju ha'e va'e javegua yvy omomba, yy ombou vy.

<sup>7</sup> Ha'e gui aỹ yva ha'e yvy itui va'e ma Nhanderuete oayvu rupi ae ju omombyta tata py okaipa aguã. Joe oikuua pota ha'e heko vai va'e kuery ombopaga aguã ára pyguarã omombyta.

<sup>8</sup> Ha'e rami avi xerembiayvu kuery, peteĩ mba'e oĩ penderekxarai e'ỹ aguã: Senhor pe rã peteĩ ára mil ma'etÿa rami, ha'e rã mil ma'etÿa ma peteĩ ára rami rive oaxa.

<sup>9</sup> Ha'e nunga rupi Senhor ndarei ijayvuague ojapo aguã, amongue "Are ete ma" he'i teĩ. Ha'e rami 'rãgue py nhanerarõ are oikovy. Ndoipotai peteїve nhakanhy, ha'e rã nhande ha'e javive jajeko rerova.\*

<sup>10</sup> Ha'e gui Senhor ára ma imonda va'e rami 'rã ou xapy'a. Ha'e va'e jave py yapu ratã reve yva okanhymba 'rã, ha'e mba'emo jaexa va'e okai vy ivaipa 'rã. Ko yvy ha'e mba'emo ojapo pyre ha'e

\* **3:9** Lucas 13.6-8

javi 'rã okaipa.\*

**11** Ha'e nunga ha'e javi ha'e rami ete okanhymba aguã rami opyta ramo peẽ kuery pendeky'a e'ÿa rupi pota ke pendekuai Nhanderuete pe ete.

**12** Nhanderuete ára pearõa rupi pejapo ovaẽ voive aguã rami. Ha'e va'e jave py yva voi hendy vy ivaipa 'rã, ha'e mba'emo jaexa va'e okai vy hykupa 'rã.

**13** Ha'e rã nhande kuery ma ijayvuague rami vy yva pyau ha'e yvy pyau nharõ jakuapy, teko porã renderã.\*

*Senhor nharõ vy ipara re nhanhembo'e aguã re ijayvua*

**14** Ha'e nunga rupi xerembiaiyvu kuery, ha'e nunga pearõ vy penhea'ã tema pejexa uka aguã peteĩ rami ikuai va'e, iky'a e'ÿ va'e ha'e ojou vai pyrã e'ÿ.\*

**15** Penema'endu'a nhande-Senhor jogueraa jepexe vy nhoarõ area re. Ha'e nunga re nhancerembiaiyvu irmão Paulo voi omo'aranduague rami vy ombopara pãvy.

**16** Ha'e va'e ijayvu ha'e kuaxia ombopara va'e ha'e javi re ma ha'e ramigua oĩ. Ha'e rami avi amongue henda py oĩ jaikuua aguã haxyve va'e. Ha'e ramo oikuua e'ÿ rei ha'e ikangy va'e kuery ma ha'e nunga oexa vy ha'eve'ÿa rami 'rã oikuuaa, ipara iky'a e'ÿ va'e mboae re oĩ va'e voi ha'e kuery ndoikuuaai reia rami avi. Ha'e ramia py ha'e kuery okanhy aguã katy oo.

\* **3:10** Mateus 24.29-31; Apocalipse 21.1-8 \* **3:13** Isaías 65.17

\* **3:14** 1 João 3.2,3

**17** Ha'e rã peẽ xerembiayvu kuery, ha'e nunga peikuua ma voi vy penheangu. Penhembotavy uka eme Senhor nhe'ẽ rendu e'ŷa kuery pe, penembaraetea rupi pendekuaia gui pejeity uka e'ŷ aguã.

**18** Ha'e rami 'rãgue py penembaraeteve tema peovy nhande-Senhor Nhandereraa jepea Jesus Cristo penemboaxyu rupi, ha'e peikuua porãvea py. Ha'e ae toguerovy'aa aŷ ha'e araka'e rã peve.

## **Nhanderuete ayvu iky'a e'ŷ va'e New Testament in Guarani, Mbyá**

copyright © 2004 Wycliffe Bible Translators, Inc.

Language: Mbyá Guarani (Guaraní, Mbyá)

Translation by: Wycliffe Bible Translators, Inc.

### **Copyright Information**

© 2004, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 853110565X

### **The New Testament**

in Guarani, Mbyá

**© 2004, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

---

PDF generated using Haiola and XeLaTeX on 18 Apr 2025 from source files  
dated 29 Jan 2022  
3309fa3b-7590-5ae9-b829-5df4ddfbf957